

kikhop nuamtakin ka zang uh. Enpum te leng hong kikhom ua, mi kitam lokei mah leh hun nuamtak ka zang uhi.

Zing kikhop tawp dak 12:30pm in Suangdoh khua nusia in C. Tuiveljang a nitak hun zang dingin ka tai non naihnaih uh. Enpum a ka ai kan nek uh lunggulh simlai ka hi ding ua, sun tang laitakin "Go-vom lui" ah ka khawl malam ua, ai ka hon sawk utuh...a vang khop mai! Ka ai mat te uh a khol na di cement bag ka pua ua, guan di a om vak kei! Ai mat toh kisai lung ke dimdem in ka pai ua damtakin C. Tuiveljang dak 2:45pm in ka tung uh. Pastor Quarter ah nitak meh ding bawl in PWF te ana phe suau suau ua, singtang ngakeu leh a hing, amau khua mah a amat uh a tawn tawn a huan hon nesak uh zo...ai mat di muhzohlouh ziaka lungkiatna teng a lengmai der mai! Nitak ka hong kikhom ua, biakin ah aki ta kei hi. Biakna program nuam mahmah local te PYF Day khakna toh ka kop ua, kikhom top moh hial.

October 8-9, 2014 sungin Singngat Thadou Veng, Jaolien, Simbuk leh Singngat veh dingin nitaklam dak 1:00 in Rev. Khen P. Tombing in a inn ua pat thumna toh hon khakhia hi. Driver te toh piching mi 8 leh naupang 4 gari nih in ka kuan uhi. Dak 2:30pm in Singngat damtakin ka tung ua,

Singngat Pastor Quarter ah ka kinga uhi. Dak 3:45pm in S. Thadou Veng ah ka pai ua, Pastor Quarter ah PWF te makaih in nitak ann limtak ka ne uhi. Dak 5:30pm in biakna program kipan. Biakna hun nuamtakin ka zang uhi. Kikhop tawp in Singngat lam ah ka kik nawn uhi.

October 9, 2014 (Pathianni) – Zing ann limtak ngalsa hou pok Singngat PWF ten hon huan ua, vah pingpeng a ka nek zoh un dak 10:00 am in Simbuk a kikhom dingin gari 3 in kaki zui khia uhi. Damtakin ka tung ua, PWF President nu (Hausapa zi) inn ah singpi toh honna vaidawn uhi. Huaizohin biakin lam ah biakna hun nuamtak ka zang uh. Ka bial vehna tengteng uah a population dungzui a kikhom a tam na pen ahi ding. Member tengteng kikhom kim vek, aneu alian!!

Jaolien ah nitaklam dak 1:00pm a kikhom dingin Simbuk a kikhop tawp in ka pai non uhi. Jaolien kichi a omma mun theinailou I om khak aleh, Singngat khokhung, sepaiah camp pelh a om ahi. Huai mun ah sun hun in biakna hun nuamtak kava zang uhi. Kikhop tawp in Singngat nitak biakna hun zang dingin ka pai nawn uhi.

Singngat biakin ah nitak biakna hun dak 5:00pm in kipan hi. Kikhom

THILPHAL PATHIAN

-Rev. Khen P. Tombing



Tukum 2014 adia kha nu-nungpen "Thil phalna toh kilamtouni" chih thupi a i neih kha uh, (december) i kaitou nawnta ua, hiai tan-tan honpi a, hon keem i biak Pathian min in simtute na vek un itna chibai!

Khohun hong ki-hei in, dainawl ah tangsamte hong paakta ua, zing leh nitak chiangin vot mahmah nawnta hi. Hiai bang hun chiangin i lungtang sung ah Christmas gim hong nam hiau-hiau thei ahihmanin mun tuam (state pua) a nasem a omkhe-te leh siamsinte 'n inn lam ngai in inkuante leh lawm-leh-vualte toh Christmas zatkhawm ding lunggulh takin hun zang sek uhi. Tua bang a hun ngaihhuai leh muh kal kilawp huai tun-tun CHRISTMAS i zatna uah, tukum in Pathian' thilphal dan thei kawm in i hunte zang lehangu ut huai kasa hi.

Mihing ngeinadan ah, i lawm it tak, ahihkeileh, i tung a siam mahmah mite a dingin thil banghiam hihsak ding i kilawp chiat ua, himahleh, hon gensetu, i melmate, leh hon taisantute a dingin bel bangmah phal i nei kei uhi. Ahia, mihingte' hihna tung pek a itna hau Pathian in bel, amah taisantute, a thu mangloute, kizuakte, angkawmte, a melmate, leh siatna toh kidim mihingte' a dingin a Tapa tang neihsun Jesu Kris a pekhia hi. Pathian in mikhialte adia a Tapa a piakkiak lai in, mihingte' n zuau a aheek didan uh, a sawi didan uh, zep a aom didan, linglukhu khuksak a aom didan, chilphih leh naktak a soisak a om ding ahidhan teng mukhol, leh thei khol kawm-kawm in a pekhia hi. Tapa bangzah hiam lak a a-it lough deuh pen chih di dang om tuanlou, Tapa khat keileu a neih, a it mahmah, leh a kipahna hizawmah hi. Huai leng it zou lou khop a nang leh kei a dia Pathian in apiakkiak mai tuh lamdang lua!! Pathian' thilphal dan suiseng vual hilou hi. Ahihleh nang tagah-meithai leh

Nuam kisa lo chiat chih mai ding hi inte! Kipah huai takin gari sia pen leng bawl theih pah in om. Damtakin Sialbu 12:10 pm in kitung hi. Session Moderator Elder Liankhankhual Tonsing in ah PWF ten honna vaidawn ua, huai ah nitak an nekhom in huaimun mah ah ki giak ngal uhi.

Lamdang takin khosung tun kuan in vuah hong zu a, tapi mahmah hong zu zua zua mawk! Khawl phot ning lah chih sawm mahmah lou in hawktui bang luang ziahziah. Hichipi a zingchiang a kik non ding chih akingaihtuah chiangin member te khat bangin tuh accident di himai. Ki si ding himai chi in a lawmte leh inkuanpihte mangpha khak in a phone ah pau den hi. Vuah a tam luat ziakin Moderator pa in ah biakna hun ka zang mai uhi. A zing dak 5:45am in biakin ah thumkhomna nei in, lampi bang achi phet diam mo chia um-hawm khai mah bang hiau huau in ka hong kipan khe ta uh. Gintak sangin lampi a nawi kei a, himahleh a naal mahmah. Huchiiin Safari pen nullah ah a pei langkhat ahong ke petmah. Tempawng/Tupi chih te kuaman ka po kha kei ua, sing-zawl gari dopkang na di poimoh ding chih ziakin Htp Khamlianmang leh Htn Chichiiin ten a hatna uh suang in

singkung khat phuk dingin hong kisa mok uh. Heutupa pen in kitawm kawm a singkung hiang amat leh a hiangin leh puakkik in kawm a om. Huaitaka Chichiiin in a puannak aman a kai khia. Heutupa kawm ke di lai hondam chihdan ahi ve. Huchiiin, driver te siamna ziaik toh gari ka hon lakhe thei ua buaina om nonlou in "Tuilak lui" ka hong tung uhi. Huaitakin tuh suakta kisa lo chiat ka hi ding ua, accident a si ngeingei dia kikoih pen bang tuilang lai ah hong daileng phot zozen. Akipahna etsakna ahi.

October 19, 2014 (Pathianni) – Damtakin in Lungthul (T) dak 7:00am in ka tung velh valh uh. PWF ten nek leh tak bawl in pastor quarter ah ana khu lingling uh. Nuam mahmah. Zing an vah taka ka nek zoh un kikhopna kinei. Pathianni zing ahi bok a kikhom kati. Nuamlua. Kikhop tawp in Maukot lam a hun zang dingin ka kipan khe nawn uhi.

Damtakin Maukot nitaklam dak 1:30 in ka tung uh. Hausapa in ah PWF ten vaidawwna honnei ua, huaimun mah ah nitak ann kine khom nainai hi. Nitak biakna hun ah C. Tuiveljang ten leng a biakin uh khak zen in hong uap uhi.

1. MARI (Jesu nu) : Luka 1: 26-38 sung isim leh Angel Gabriel in Mary kiang a naupai a tapa neiding ahidhan agen, huchi in Mari in 'nungak siangthou' ahihman in naupai ding chih mawk lamdang sa mahmahta. Pathian' Angel kiang ah hangsan tak in hinkhua siangthou tak ana zang ahid dan a puangkhe ngam hi (Lk. 1: 34). Angel in leng a dawng thuk nawn a, Pathian in Mari atelna san leng genkawm in atung a Kha Siangthou tunga Pathian thilhih theihna in tuam ding ahid dan agen. Ban ah tehkhita leh atheihisiam theihna ding in a sanggamnu Elizabeth a minlou in Mari kiang ah Pathian thu thilhihtheilou a omlou ahid dan agen. Hiai teng zoh in Mari in, aw Toupa sikhau ka hi, "na thu bang zelin ka tungah tung hen" achi. Pathian in Mari A tapa Jesu Kris pianna ding a a tel ziaik, a melhoihziaik hiam, a felziaik hiam hilou in a sianthoua ziaik hi in akilang. Hiai in Gingtute hinkhua siangthou ding a Pathian in hon deih ahid dan amuh theih. Mari bang a mi kimante leng Pathian in azang. Laisiangthou mun tamtak ah Pathian siangthou ahid ziaika eite leng siangthou ding ihid dan a gen mun mahmah. Tangtung a Jesu' n thu agenlai in, 'lungsima a

siangthoute ahampha uh, Pathian muding ahihman un' achi (Matt. 5:8). Heb. 12: 14 in Pathian muhna dingin siangthoua alou theilou in agen, sianthoua lou a kuamah in amah mulou ding ahid ziaik in. Paul in Timothy kiang ah siangthou ding leh gingtu dangte adia sianthoua lam a etton tak hi dingin nakpi in hasuan (1 Tim, 4: 12). Hiai sianthoua in lungsim, ngaihtuahna, kampau, gamtat leh khohei bangkim auap vek hi.

2. JOSEPH (Jesu pa) : Matthai 1: 18-19 ah Joseph in Mari toh akikham lai un Mari naupai ahi chih atheih in aguk in tawpsan a tum chih imu. Joseph tuh mihoih mahmah Pathian in leitung a Hondampa Jesu Kris pianna pa dia a teel, apichin tanpha kemtoudia a sehmi ana hi. Mari naupai chih atheih in suk minsiat utlou in a guk in tawpsan atum. Hiai ah a lungput hoihdan tuh Mari minsiasak louh atum tiltel. Gingtuten lungsim put hoih leh lungsim diok poimoh ihid dan a honsinsak. Joseph hinkhua kia hilou in Laisiangthou mun tamtak isim leh gingtute adia lungput hoih leh dik poimohna mun tamtak ah a muhtheih. Daniel 3 ah Sadrak, Mesak leh Abednego te kumpi Nebukkadnezzer in milim

gentheite adingin bang na phal a? Bang na pekke dia? Pathian in na tung a thilhoih a hih zouzaite zia kin tutung Christmas in kua na panpiah dia? THIL PHALNA TOH CHRISTMAS ZATNUAM!!

Khovel ah it ding tampi om hi. Sum-leh-pai, pilna, siamna, thuneihna leh nopsaknate!! Mihingte tuh i it let zawk lamlam ah i kihei ua, a it zawk lamlam uh i zuan uhi. Biakna sang a TV et it zawkna, kikhop sang a ngaih-zawngte it zawkna, thum khawmna mun sang a zu mun it zawkna, Bible sang a mobile

phone leh internet it zawkna etc. Kumthak 2015 in **bangdang teng sang a Jesu it zawk ding tup a nei in**, Kris toh kinaihseem in, amah toh ki it tuah in hun zangkawm lehang, i insung, i khotang leh saptuam chidam in khang ding hi chih gintakna kiptak toh i saptuam' thupi dingin "JESU IT SEEM KUM" (Year of Dearly Loving Jesus) chih ka hon telkhia hi.

Unaute, kum thak ah, bangdang teng sang a Jesu it zaw ding in Pathian in simtute mimal chiat hon vualzawl hen!!

KRISTMAS THUPUAK

Rev. M. Khamlianmang,
Coordinator (Missions), PCI(R)

Ei gingu Kristiante adia Hotdamna toh kisai a poimoh mahmah tuh I Hondampa Jesu Kris a hong sihna tungtawn a Pathian ngaihdamna intan a, Kris in tatna nna hongsep ahi. Eite ahongtat nadingin leitung ah mihing in hongpiang hi. Pathian in khovel a it mahmah zia k a atapa tang khat neihsun honpiakna ah mitamtak kizang kha hi. Tua Pathian mizatte bangzah hiam apan bang isin theih ding bangzah hiam enkhawm in Krismas hun amanpha thei pen in zang lehang chih ut huai hi.

be dia asawl lai in be utlou in, Pathian in meikuang apan hunkhe louding ahihlehleng Pathian hing nusia a milim belou ding ahidhan uh puang ua, lungsim siangthou leh dikpu in hinkhua ana zangta uh. Daniel 5 na ah Daniel in bang(wall) a khut a laigelh asim zia k a thilpiak piaka om dingte midang peding in ahilh a, himahleh laigelh sim leh akhiakna gen ding ahih dan puangkha. A lungsim put siangthou leh dik mahmah ahih dan apuanna ahi. Paul in Kris in mohpuakna apiakte hihtangtung teitei ding atup pipen ahih dan gen in gimthuakna leh suangkulh tannate poisalou ahih dan gen hi (Nas. 20: 20-24). I lungput dan ki-en thak chiat leng a deih huai. Eilam a metna om dingte kia lunggulh maw? Thilpiak ipiak Chiang a Pathian thumanna leh itna zia k a pia maw, avualzawl na lam-etna zia k a pia? Mi tung a nasiam Chiang a amau na tung asiam ding uh lam-etna zia k asiam lel? Lawm na polh Chiang a ahausa honpanpiah thei dingte kia pawlbawl ding maw? I lungsim put dan bang lamin apai a, mi hoihna ding sanga, mi siatna ding ngaihtuah ihih khak ding lau huai lua. Pathian thupina ding sang a ei minhoihna ding leh phat iloh nading kia a hinkhua zang ihih leh poi mahmah ding. Na

hoihlounha a leng mite'n ahoih a hon mua, hon gum gige dia lem-en na hihia? Mi hoihnate nagen sanga, mi hoihlounnate gen gige. Krismas ni a hongpiang naungek eite Hondampa Kris pianna pan Mari minsiat ding a veng. Gingtute leng minsiatsak kisawm zaw lou in, kipahtawi, kiphat leh kipakta tuah in kilam tou ni. Babel insang lam dek a om lai in Pathian in atup uleh angim uh athei a, amah tup leh ngim toh a kituah louh zia k in maban sawn theilou ding in akoih. Joesph in Pathian program suksiat dugt kei a Mari aguk atopsan atup lai in Pathian in amah tungtawn a atangtawn thilgel Kris a sem kheding ahih zia k in Joseph deihdan hilou in amah deihdan in api. Pathian programme gamteng a Naungek Jesu Kris tanchin tangkoupih ding ahih man in eite'n leng tua Gospel nasepna hah pan zosem a kumnawn a thathakla ding in Toupa lungsim leh deihdan zong ni.

3. BELAM CHINGTE : Luka 2: 8 – 20 kikal isim leh Angel khat Belam chingte kiang a kilak in Tanchinhoih kipah huai amau te adia "Hondampa" piang ahih thu puak ahih dan agen imu. Ahihzia k in hiai belam chingte mohpuakna lian lua ahihman in, Belamte nusia

Kikhom kitam mahmah. Biakin dim in ki let hial. Maukot khua a om Saptuam dangdang ten leng a biakinte uh khak in hong uap ua nuam tuam lua hi.

October 24-26, 2014 sung Lungthul (L), Enpum, Suangdoh leh C. Tuiveljang veh ding in dak 11:00am in Rev. Khen P. Tombing te in apat Pastor P.L. Thanga in thumna toh hon khakhia hi. Gari nih mah kizui in mi 11 ka kuan nawn laihlahi uhi. Ki nohlou hial in kipai a, lamkal khong a khawl zel in damtakin Lungthul (L) dak 3:30pm in kitung. Session Moderator Elder Thangngaihpu in ah PWF ten honna vaidawn ua, nitak ann limtak ne in huai ah ka giak ngal uhi. Nitak biakna kikhop ah saptuam dangten leng hong uap ua, Pathian ompihna toh hun nuamtak kizanga Khasiangthou in nasatak in hon pawl hi.

October 25, 2014 (kiginni) – Pastor Paukhansiam te nupa in PWF Joint Conference motivation team te an kon nekpih ut uh achih zia kun zing dak 7:10am in Lungthul (L) nusia in gari ah kong kisawi nawn zaihzaiah uhi. 8:20am in damtakin Lungthul (T) ka tung uhi. Amau PYF Day ana zat lel lai uh ahi a, outdoor games khong anei ua, nuam kava sa mahmah uh. Pastor te inkuan in ak ahauh dan maizen u tuh!!! Va-pal

bang leng hau mahmah uh!! Ann ka hon ne taktak uh chu... ak toh, va-pal toh, a mihing aneu alian toh!!! Anuam naihaih khop mai! Ahon vak nehsoh bok ua, gilvah sa in thanki nisa kham bangmai in ka lusu duau duau geuh uh! Pastor te inkuan aleh tampi in Pathian in vualzawl hen chih ka thumna uh ahi!

Nitak dak 2:30 in Enpum manoh in ka pai ua, damtakin dak 3:00pm in ka tung uhi. PWF President in ah honna vaidawn ua, huaimun a anne in ka giak ngal uhi. Nitak kikhop na hun nuamtakin ka zang ua, Suangdoh te leng hong kikhom ua, biakin dim phitphet in kakikhom uhi. Numei hon zinkhawm chihmah tak, kikhop tawp in insakte tate ai sawk a kuan hongtung uh chih ka za ua, ai nou te kava ngen ua, ka kang ua, luphun di bangin ka hai puak guap guap lai uh. Sungkhoh toh, awmna toh, khuh toh huaihan zo ka buai ten uh. Duh-gawl man.

October 26, 2014 (Pathianni) – Zing dak 7:20 in Enpum khua apan Suangdoh ah ka pai ua, Pastor Quarter ah upa sim sim ten ann ana huan ua, nektak suah ding uh ahi dia aw ka chi sim uh. Ka hon ne uh chu awwww... Singngat Presbytery sunga meh huan siam pen in ka record uhi! Ka ne gai thrak uh! A khamlou chu hilou. Zing dak 10:00 in biakna

PWF JOINT CONFERENCE, 2014

(SINGNGAT-SOUTH LAMKA-NORTH LAMKA PRESBYTERY
BIAL VEHNA REPORT)

October 17-19, 2014 sung Tuima, Sialbu, Lungthul (T) leh Maukot vehna nei ding in PWF Joint Conference Committee member te heututpa Rev. M. Khamlianmang – PWF Coordinator makaih in ka hong kisa non naihnaihi uhi. Rev. G. Suanzalam, Coordinator (I) in Rev. Khen P. Tombing te inn ah thumna in hon khakhia hi. Driver te toh mi 12 ki pha a, Bolero leh Safari dim phitphet in ka hong kipan khe ta uhi! Tutung in bel lamkal ah gari kham kuamah ki omlou.

Singngat PWF te mahmah ana fel zel ua, pastor quarter ah singpi hong dawn malam un achi ua, huai ah singpi limtak leh puri toh numei ten honna vaidawn ua, Pastor G.K. Siam in thumsakna honna nei hi. Gilvah pingpeng in Tuima lam manoh in ka taikhe non uh. Lungthul (T) ah Pastor Paukhansiam in a hon zui a, nuamtuum mahmah. Damtakin nitaklam dak 3:15 in Tuima ka tung uhi. Session Moderator Eld. Kamkhanpiang in ah local PWF ten honna vaidawn ua, nitak an limtak mai honna huan uhi. Huai mun ah ka giak ngal uh. Nitak kikhopna ka nei ua, ka zin na teng uah biakna paidan a kibang tangpi vek hi.

October 18, 2014 Zing dak 9:50 in Sialbu zuan dingin zing an nekkin in Tuima ka nusia uhi. Sialbu lampi tuh a hoih lua chihna ding a omkei

ah pen mai! Vuah a zuk louh I hampah tel uh mo chi in kaki hihl tuahtuah uh. Sialbu gam lut na "Tangek/tanggeng" kichihna mun geih a Safari pen a hong mit mawk a, start theih nonloun in a om. Safari ma a tai Bolero ten (Pastor Paukhansiam leh Rev. M. Khamlianmang te tuanna) gari sia ahih ding lam himhim ngaihtuah banlou in leh, vasa kap ding kia lungsim a nei in safari a tuang te ngaklou in a tai tum vengveng mai uhi. Safari a tuang te adingin in tuh "Salah" chih mailouh gen ding om nonlou! Mi 2 in khe in va delh ua, khat lamkim ah bah gawp a, khatpen in khosung tan phial delh tou nilouh. Dakkal khat val zen nanung ua taiten hon phalou ua bangziaka nou lunghimoh dan theilou e chia a dot ualeh amau vasa khong kap, khongma khong lou chi hiau uh!

Report

NUPA SEMINAR

November 15-16, 2014 sung Singngat Presbyterian Church in NUPA SEMINAR ka neihna uah, Rev. H. Chin Thiansong, Coordinator (Ministries) in hon makaih a, Pathian' ompihna leh polhna toh hiai hun lohchingtak a zat in om a, nupa kop 70/80 vel kitel lakah tamtakin "Nu/ Pa thak ka hita e" chi in kipahna thupitak hon tun hi. Thupi: "Nupa hinkho nuam neih na ding"

01. Sum leh pai zatna ah nupa ki theih tuah ding.
02. Nupa kipolhna a damlough ziaik leh banghiam haksam omte kitheihshiam tuah a, kidawnzang didan ngaihtuah khawm zawk ding.
03. Kisaivel/kihoupah dan ah, nungak leh tangval (kingaih lai) a aw neem i zatte bang a nupa kal a kampau neem leh kilawm zat ding ahi.
04. Salam leh khalam dinmun ah, Pathian phawk kawm a Kris inkuan bawlkhiak ding mi chih mohpuakna ahi chih mangngih loh ding.
05. Tate'n nu-leh-pa tung a alamet uh ahiehleh, Ka nu leh pa'n hon kei a ta hon phawkin, hon ngaihsak uh hiam chih lamen ua, Pathian in honpiak goutan ahilmanun tate tuh leitung thil (sum leh pai, neih leh lam)-te sang a i GOUMANPHA PEN tate poimohngaih zawk ding ahi.

Atung a thu poin tuamtumte ngaihnap leh biltai huai mahmah a ngaihkhiaik ahi a, heutupa a hun manpha tak thasial lou a saptuamte deihsakna lianpi toh ahong zat ziaikin Rev. H. Chin Thiansong, Coordinator (Ministries) leh hon lemsakpih PCI Head office-te tung ah kipathu ka gen hi. Nupa (Inkuan) manpha hi dingin Pathian in hon vualzawl hen aw!

Report Petu

-G. Nengzamawi, Secretary (Session)
Singngat PCI

a David khua lam zuan apai ding thil baih ahi kei hial. Amaute mohpuak tuh Belamte hohtak a kep, Belamte mang taleh a neitu ten achingtukiang a aman siik ding. Huchibang teng ahilhai a Belam nusua a Lemna Kumpi hongpiang va et mawk ding haksam mahmah ding hi. Ahieh ziaik in ginna a kalsuan in amauten hilh a om bang un Naungek 'Jesu' tuh Gan Ann piakna a lum a vamu uhi. Bek thamlou in kipaktak in kik nawn lai uhi. Amaute ginna in Lemna Kumpipa, Kris muding in kalsuan ua ava mu ngei uh. Ginna ziaikin Abraham in apaina ding lampi theilou in, atunna mun ding mukei mahleh thumangtak in kal asuan. Lampi ah khemna leh haksatna tampi atuak tham, huchibang hun ah leng ginna mah in kalsuanzel a, Pathian in hunhaksam ah leh anuam ah athupina musak zel hi. Toupa'n aitte asawi a, gingtute ginna a enchianzel. Heb. 11: 6 ah 'ginna lou in amah (Pathian) pahtak lammi hihvual ahi kei' a chih mah bang in gingtute ginna in kalsuan ni hang. Kalsuanna in nopna kia hon tun kei ding, haksatna tampi thuak a Van Kanaan gam lutdingte ihi. Belamching ten Mang Jesu lam zuan a apai lai in ginna ziaikin a Belam te uh nusua a apai bang un, eite'n leng Kris Hondampa imuh nading in ginna in nusiatiat ding omte nusua a Amah

lam izawt ding uh ahi. Nang nusiatiat ding leh midang nusiatiat leh taihsan ding akibang kei ding, himahleh michih in koihkhiaik ding leh nusiatiat ding kinei chiat dinghi.

4. MIPILTE : (Matthai 2: 1-12) Kumpi apian Chiang a theihtheihna Aksi apan om ahi ngei ding. Kris hongpian inleng Suahlam mipil, aksi lam siam (astronomer) ten amuh uh aksi lamdang apan Judate Kumpipa ding piang ahidhan musuah uhi. Huchia Juda kumpipa hong piang beding ahongkuan lai in hiai Aksi lamdang zui zel uhi. Jerusalem hongtung ua, Pathian in amuhsak Aksi lamdang zuih sang in amau pilna, theihna leh siamna muang in Juda kumpi ding hong piang tuh chi in Herod' inn apiang ding a akoih man un Herod kiang ah alutta uhi. Pathian sang a amau kimuang a thupukna alak ziaik un Jerusalem leh akim-leh-kiang a pasal nauvang kum 2 nuailam teng in sihloh uhi. Mipil te'n Herod inn anusiatiat ua Pathian in alak/apina Aksi hon zuih nawn tak un bel Judate kumpipa Jesu anu Mari in a pom naungek toh avamu ua, abok ua, abia ua, agou bawmte uh hong in kipahna dangkaengte, begawte, murrate alan uh. Mahni pilna suanglou a Pathian muang a kalsuante muhding omte mu in, kipahna

Report

Rayburn PYF Zodawn Saptuam Vehna

Rayburn Presbyterian Youth Fellowship in kum 2014 sunga sepsuah dinga tup-le-ngim a kinei "Zodawn a saptuam vehna neih diing" chih ahid dungzui in: **First tour:** Rev. Khamlianmang Coordinator (mission) makaihna in date 29-30/ March/ 2014 in Maukot, Tuivel leh Singngat vehna va kinei hi. **Second tour:** PYF makaihna in date 20-22/ June/ 2014 in Singngat, Lungthul (L/T), Enpum/ Suangdoh vehna va kinei hi. **Third Tour** in Rev H. Chinthiansong, Coordinator (Ministries) makaihna in date 22-24/November/ 2014 sungin Tallian, Thanlon leh Bukpi saptuamte vehna kinei hi, Third Tour kuan lam in Gari tuang siamlou khenkhat ka om man un, ka tupna uh Bukpi tungzoulou in Tallian khua 2:30PM a tung in, Tallian khua a giak in, nitak program kazang uhi. A zingchiang zingkal baitak a paitou in zingbiak na Thanlon a zangzou in Bukpi khua ah, Sunday nitak kava zang uhi.

Biakna Hunzatdan

Tallian ah: Rev H. Chinthiansong in Marka 4: 35ff na pansanin "Haksatna I tung ah hongtung chiangin, nungzuite bangin Jesu Ikianga om gige ahi chih thei a, amah kipanpihsak ding ahi" chihthu pansan in sermon gen a, PYF Lapawl 2 leh Special No. Ms. Gouvung leh Mr. Muanthang te'n nei uhi.

Thanlon ah: Mr H. Thian khanmuan in Job 1:13ff na pansan in "Haksatna I tunga hongtungte

Pasian in hon theihpih a, I tunga tung dia phal ahilmanin, huai hunin leng Pasian Biakna leh Phatna I tawpsan kei ding uh a, a min I genes ding ahikei, Job hinkhua a haksatna a thuak mualsuahan a kipan kihan-thawn ni" chih thu gen hi. PYF Lapawl 2 leh Special No. Ms. Gouvung, TS Lian leh Mr. Muanthang te'n nei uhi.

Bukpi ah: Rev H. Chinthiansong in Ephesate 6:10-20 na kikal pansan in "Khrisian te' galvan

LAISIANGTHOU ETDAN LEH SIMDAN

	TKL	TKT	TKL+THT
Laibu omzah	Bu 39	Bu 27	Bu 66
Abung om zah	929	206	1,189
A taang omzah	23,214	7,959	31,173
Laimal om zah	27,28,100	8,38,380	3,56,64,480
Thumal omzah	5,92,439	1,81,253	7,73,692
Laibu lailak pen	Paunakte	2 Thess.	Mika & Nahum
A bung lailak pen	Job 29	Rom 13:14	Sam 117
Ataang LaiLak pen	2Kroni. 20:17	Nasepte 17:17	Sam 118:8
Abung Tompen	Sam 117na	Nil	Nil
Bung Saupen	Sam 119na	Nil	Nil
Abung Pan Pen	Obadia	3.Johnna	3 John
Taang Tom Pen	1 Kroni. 1:1na	John 11:35	John 11:35
Taang Sau Pen	ESTHER 8:9	Mat. 13:15	Nasepte 28:27
(EZEKIEL 48:1)		Nasepte 28:27	Mat. 13:15

Hiai thu Authorise Version (A.V) Bu a kipan laak ahi. AD 1718 in Saptangval Khat in a zong khia a, Amster damah 1772 kum a, Sap tangval khat mahin azon khiaik kila sawn ahi.

BIBLE BU SUUT NA

Bible khut gelh a om sung, BC 1500 apat Ad 1334 tan ahi. Mosi gelh kum akipan a kum 1334 sung Bible bu khatkhat a gamteng a om lakkhawm nahun kum 1600 sung ahi. A lehkhiaikna hun kum 100 ahi a, kum 3381 a piching zou (complete) ahi.

Bible a 'hongpai in' chih thumal hehpihna hun sungteng a zat dinga paumal (thumal) 1972 vei a om achi uhi. Huai hehpihna hun tuh Toupa Jesu (Second coming) hongpai nawn mateng ahi. 'Lauken' chih thumal 365 akigelh, laulou a paiding leh kipak taka paiding, hotdamna tang dia chiamsa ihi chih ahon theisak hi.

dingte ah kipak uhi. Huan, Krist mute lamtuam nidang a paina lou lam uah apai zel uh. Gingtu piangthak kichinapi a izuih lampi luite zuilailai ihih khak leh Kris muchian lou leh munai lou a Herod inn tan tung lel ihi khading. Kris mute zaw lamtuam sianthoulouhna apan sianthouha, diktatlouhna apan diktatna, ginomlouhna apan ginomma, muanhuaulouhna pan muanhuaina in kikhek uhi. Tutung Kristmas hun in Kris muhchet taktak sawm chiatni. Mihing kimuanna zav bang mah ahi kei, mipilte leng akimuang ua ahikhkiak daih uh. Joshua hunlai in leng Israelte'n Pathian muanna toh kal asuan chiang un Jeriko kulh thupi tak in aum suak hihial a lazou uh. Himahleh Ai khua neuchik simmoh huai tak hon sim ua, amau lak a Akan khelhna ana om kia lou amau siamna leh amitam uh hon muan ziak un Aikhua sim dia mi 3000 chauh kuan in lohsam hithet uhi (Joshua 7). Himahleh Pathian kiang a hong kituklut chiangun vualzohna Pathian in penonta hi (Joshua 8).

5. BEHTLEHEM : Mika5: 2; Matthai 2:6) Bethlehem Judia khopite lak a neupen te laka khat ahi. Himahleh Vantung kumpipa'n atapa neihsun Jesu Kris pianna khua ding in atel a, Kris pianma kum

2000 in Bethlehem khua a hongpiang ding ahah dan agen kholta hi. Genkholh a om banggei in hongpiang. Kuamah in Bethlehem a piang ding a gintaklough uh ahia, himahleh Pathian thilgel tuh hih tangtung in a om veve hi. Pathian in athupiloute, aneute, apilloute atel sek, Amah thupina kilatna ding in. Kuamah theihlough, neih leh lam aleng miphalou, pilna siamna aleng mi phalou leng na kisa kha mai ding, tutung Krismas na zat toh kiton in Kris adin kipekhia lechin mihing thupina ding hilou in Amah Kris thupina ding a vanzat in napang thei dia, nang tungtawn in miten Krismu in Hotdamna tang ding uhi. Tutung Krismas, Tapa piak a iom hunchampha zang nawn ding a kisak lai un ilungsim putdan uh ki-enthak in, sianthouha hikhua zang gige dia kipia in, Kris ginna hattak toh ei pilna hilou Pathian piina a kalsuan gige dia kilan in Krismas maituah in Kumthak a lut chiat lehng deihhuai isa. I lungsung chiat ah Jesu piangsakni.

Simtute atung a thu tomchikchik a hong kigelhte tungtawn in Pathian in mahni hinkhua kibawlpahna ding a ahoih leh kilawm behlap beh theiding leh midangte kiang a gensawn thei ding in honvualzawl chiat hen aw.

bukim Pasian in honpia ahi, huai pansan in khemna leh z-etna te douzou ding ihi uh. I doute lah sa leh sisan ahi ngal kei ua" chihthu gen hi. PYF Lapawl 3 leh Special No. Mr. Muanthang, Mr Thianlal leh TS Lian leh a lawmte'n nei uhi. Khawtual nungak Ms Siasiam a kipan inleng laa 2 ki ngaikhia hi.

Kipathu

Hiaibang a tuailaite kalsuanna dinga huhna sum-le-pai leh thumma a hon kithuahpihte tengteng tung ah kipathu ka gen uhi. Huan, ka venna saptuam chih un zintunna nuamtak a honna bawlsak chiat ban uah, nek-le-tak kiching tak honna piak man un, Amaute tung ah kipak lian mahmah kapia uhi.

Toupa'n amaute vualzawl chiat leh chih kathum na uh ahi.

Rayburn PYF in tukum a Project Zodawn a saptuam venna neih zoh ahah in Bukpi khua apan Lamka zuan a kahong pai ni uh Tarik 24 Nov; 6:30PM in Suangpi khua a Kuki Nampi Taona mual ah Pasian kianga kipathugenna leh kilatkhatna nei in, hongtungki uhi. Toupa'n Rayburn PYF in tukum a i Project uh "Zodawn a saptuam venna neih diing" kichi pen lohchingtak a, honsep suah pih ziak in, thupi na tengteng Pasian i pia uhi.

Report Petu
TKShyam Valte
Secretary RPYF



Mi tampi in khawvel ah saptuam (Kristian) kichi pawl tuamtuum tampi aom a, kuate pawl saptuam dik ahi dia, kuapawl ah kipe leeng hotdam kahi dia; chih a theih nop uleh a buaina uh ahi nak hi. Adawanna tuh Larkin gendan in Mathai a vangam tuh ta'ng buang theh na 3 numei in alaka tehna 3 laka silgou numein ahel, athoh mateng a bilh bangin ahi achihna a kipan in; Ta'ng buang tehna 3 tuh saptuam 3 te ahi. Huai tuh 1. Orthodox saptuam, 2. Roman Catholic saptuam, 3. Protestant saptuam ahi. Hiai saptuam pawl lian pipi a kikhen thumte ah khawvel a saptuam teng akikim sak hi. Nungak siangthou Mouneipa dawn dinga kisa te laka nga hai(geinus), nga dabgte apil(clever) chih ahi. A pilteng saptuam dik leh hotdam hi ding a chi a. Hiai in mi tampi kisel buaina ahah veng hiaumei hi. (Mathai 25:9-10 ah).

Gelhtu: John M. Dousel

KIZAKSAKNA

01. Saptuam in paidan a i neih tak uh dungzuiin, kum 2014 Geberal Assembly pen PWF Joint Conference toh Rayburn Presbyterian Church ah december 11-14, 2014 sung neih ahi ding. December 12 nitakin Pastor' Ordination bawl hi ding a, December 13 zing dak 10 apan in GA delegate-te'n Rayburn College Auditorium ah vaihawmna neih ahah ding. GA delegate-te' Registration fee Rs.20 (mi khat ah) ahi ding.

02. Singngat leh Thanlon Presbytery huamsung a omte a ding in december 2-10, 2014 sung keyboard toh lapi didan, Keyboard Short Course Training, PCI Head Office, Conference' Hall ah neih hi ding. Kuapeuh keyboard toh lapi lunglutte peuhmah hiai hun a tel ding a kisa ding in ngetna leh theih sakna Music Committee in bawl hi.

03. December 10, 2014 chiangin saptuam pumpi sung a solfa certificate nei nailou, exam utte adingin ICI toh pangkhawm in exam om ding, a lunglutte kuapeuh tel theih ding hi.

kumpipa Kaisar Augustas leh gam-ukpa Kurini (Cyrenius) te zang hi. Kura, Darius, Sennakerib leh kumpi tampite Pasian thupiakbanga gamtate ahi lel uhi.

Van Angelte: Jesu pianna ding genkholoute ahi uh. "Huan, angelin a kiangah, Mari, lau ken; Pathian lakah deih sakna na tang hi. Ngai in, na gai dia, tapa na nei dia, a min din Jesu na sa ding ahi." (Luke 1:30-31). "Huan, hichi ahia, huai laia a om lai un, a nauneih a honghunna a. Huan, a ta masain pasal a nei khe ta a; huan, puanin a tuama, khualbuka a tak louh jiaq un gan an piakna ah a sial hi" (Luke 2:6-7). Angel te'n Jesu pianna diing a genkholh ban uah, a piani in Carol hong pai lai uhi. Leitug mipil-misiame'te'n Jesu pianna lom dia a ngaihtuah phak hetlough lai un belampute kiangah, van angel te'n phatna lapawl thupitaka hong sakhia uhi. Van mite tanpha in phat leh pahatawi tuak ahahna phawkin semkhia uhi.

Belampute: Va i ha wmtute, siampite leh laigelhmitte kiangah hilou in, a genthei belampute kiangah Khri Hondampa' pianthu puankhiak masak pen in om hi. Pasian in gentheite khotuah in phawk hi (Jak. 2:5). Sum-leh-pai,

neih-leh-lam taksapna in khalam hamphatna tan diing dal lou hi. Mithupite leh zahhuaitte lakah Pasian' lalgam ki-im a, gentheite lak ah puanzak ahi (IKor. 1:26,27). Nasepna, thuak gimna leh buai nate ziak in Pasian toh kithuah diing dal lou hi. Job meima in pum tuam a, Mosi leh David-te belamching lai, Gideon buhsat lai leh Elisha loukai lai, Nungzuite ngaman lai leh siahkhonlai sap ahi uhi. Ei te'n le Carol bang i neisek ua, bang ahia i tup pen uh chih theih tuak mahmah ahi. Akhente'n nuam lua ahi chia a neih ut bang, a khen lah Kum khat a ei adia sahkhua vai a hunpoimoh hingal a chi a ngai thupi bang i om diing uhi. Tuni in Carol pen Mite lak a lemna thutangkou pihna a ngai a, Hondampa hong piang ahi chih mite kiang a hih ihihlam thei a Carol hih diing ahi.

Sanggam it, gentheihna, zawanna, taksapnate Pasian toh kizopna, Amah biakna leh A nasepna daltu ahilough bangin, na sepna ziaka buainate. A gam nasepna daltu ahilough diing ahi. Sepna ngaipoimoh a buaipite mah Saptuam vaia zathetheite, a manphapente hi uhi. Carol ah bang ngaihdan na nei a, bangchin Carol zat na sawm a?

poimoh mahmah diing hi. Hiai Jesu Khris hong pian, i kipahpih na ziak leh ngaing poimoh naziak diingte uh:

A Hun: Mihingte hinkhua himhim ah, I kipahna ahon kipahpihte sang mah in, I beidot hun a, tha-le-zung, sum-le-pai a hon huhte tung ah kipahna a lian tuanse hi. Jesu' Khris hong pian hun in Pasian nam teel, Juda te'n leng namdangte' thunuai ah om uhi. "Huchiin suan tengteng tuh Abraham apat David Chiang suan sawm leh suan li ahi, David apat Babulon lama sala a pi tan un, suan sawm leh suan li ahi, Babulon lama sala a pi ua pat Kris tan suan sawm leh suan li ahi" (Mat. 1:17). "Huan, huai laiin hichi ahia, Kaisar Augusta in khovel tengteng min khum ding thu a pia a" (Luk. 2:1). "Lalchiang lah Juda akipan amang kei ding, vaihawmpa Chiang lah a khe kala kipanin a mang sam kei ding, Silo a hongpai ma teng; nam chihin amah thu a mang diing uh" (Gen. 49:10).

Khris a Unau itte, na hinkhua ah soal thuneihna nuai a, khosak niam kisak na ziaka vuallel kisakna, taksap ziak a beidong kisakna, lohsapna ziaka lametbei

kisakna, ngaih pente toh kikhen ziak a, kingaihsiatna, na neih leh lungke mai ken. Hiai hun tuh Jesu Khris na lungtang a hong pian na dia hun lem tang pen hi diing hi, Pasian naih hun ahi. "That nai louh laiin, a hun takin Kris tuh Pathian limsak loute sikin a hong sata ngala" (Rom. 5:6). "Himahleh, hichiin ka chi: Gouluah dingpa tuh bangkim tungah toupa hi mahleh, naupang a hih laieng bawi toh bangmahin a kidang tuan kei hi; A pa hun seh a hong tun masiah a donpate leh a kempate nuai ah a om jaw hi. Huchibangin ei leng naupang i hih laiin, khovel thubulte nuai ah bawi hihna ah i om uhi; Himahleh, a hunbi a hongkimin, Pathianin a Tapa, numei suanin, dan nuai hongsuakin, a honsawl kheta" (Gal. 4:1-4). Pasian in khalam awlmohna ziakin salam thuakna leh gentheihna I thuak ding phal sek hi. Salam kichinna ziaka lungnuang, khalam patauhna neiloute mi hehpihuaipen suak ding uhi.

A Sukkhak Mite:

Kumpi/Miliante: Pasian in A Tapa pianna dingin mi zat moh neilou hi. Zawlnei Mika genkholh banga Bethlehem a pianna dinga panlatu ahihlam uh theikhalou Rome

HINAPI A LAH ANA HILOU MAIMAH!

-Elder T. Khupzadou, Contributing Editor

Khatvei Imphal ah doctor ki ensak dingin ka hoh uhi. Jingsang dak 9:00 AM ma ngei a doctorpa' mi et hun lap ngei-ngei ding tum in direct bus ah ka tuang uhi. Lampi ah passenger lasuk nilouh mawk ahihmanin, leh a gari tax a sunkimlouhpi toh tai ahihmanin lampi ah khawlsuk nilouh a, doctorpa a inn a a-mi et ka lap kei uhi. Direct bus a tuang a khawllou a pai ding hinapi, direct bus dan a pailou a line bus toh kibang a apai ziakin ka program uh a hidding bangin paitalou a, ka heh mahmah hi. Bible ah "Kamsangtakloute pan kiveng un, amaute belam vun silh in, noute kiang ah hong pai uh a, ahihhangin a sung lam uah ngia bang a duhgawl ahi uhi" Mat. 7:15 chih i mu hi. Hihna tak toh i om dan, i nuntaknate pai pih hoih a, i hihlounhapi toh i khosak chiangin thil tampi kisia in, mite a ding a akisia tampi tung thei hi. Pasian um mahmah dan a omnapi a, mi hon muanna bang a i om louh chiangun, eite ziakin mi i suk khakte a ding a apoi mahmah tampi om a, tuasang mah in ei akilimbawlte a dingin Pasian hehna I tung ah tu zaw lai hi.

Khatvei leuleu, mi nih kilawmta in sumsinkhawm uhi. Apung aomleh kikimhawm ding, manna aomleh akim a mangkhawm ding chi in kilungtuak takin sum sinkhawm uhi. A sumpi ding zong kikimin pawkhe tuak uhi. Akhatveina ah pung uh a, a pung kikimsat in hawm uhi. Anihveina ah hong mangta ua, minih lak a akhatpa'n amah a mang hih ding ut lou bilbel in, tua amanna uh alawmpa' ziak ngoh mawk in, alawmpa bek amang hi ding, amah pen apung hidingin kisiamtan pha mahmah in, alawmpa kiang ah

"Nang sukkhelh ziak a kimang ahihmanin, kei sum pen a kim a nong piak ding ahi" chi mawk in, siat pet mah in kisia uhi. Amah pen kidiksak pha mahmah ahihmanin, atawp in alawmpa in nang zou nawn lou ahihmanin pe khong hi. Tuabang in mite'n i duhgawl na hangun, kei pen amang lou ding, mite mang henla, si zawzenle-uh zong poi sa lou mi ki om hi. A bul a iki muanna, i thugente leh i chihaktaknate zuausan in, ei i ki gen dik hangin li lawmta khase takin kikoithi hi.

in lamdang asa, Jerusalem miten leng lamdang asa uh. Siampulianteh leh dansiamte a dot chiangun, hiai thu jawneite'n ana gensa uh ahi, Judia gam a Bethlehem ah ukpa khat hong piang ding ahi chi in agen, achi uhi.

Atung a i thugente apan in thuguk kisel hong kilangta chih i thei hi. Huchi hileh nang Kris leh apian hun koi na kipahpih zaw a? Naupang kia hilou, piching inleng tangsam ahong pak chiangin

Kristmas naita i chi a, i kilawp chiat a, u-leh-nau kivehtuahna in hunte i zang uhi. Immanuel Pathian i kiang a ahong om ziak a i kipah kei le hi lak ah lemna om thei lou ding hi. "Akipahpih mihingte lak ah lemthu leng hen" chih ahihmanin. Na lungtang sung ah Jesu na lut sak in na waitun diam? Selguk thu hong kilangkha pen bangchi lel in na kipahpih a? Ahihkeileh midang ana hungaih lai pawl a omkha na hi diam?

Khristmas Carol....

By: TK Shyam Valte

Huan, Angel kiang ah van angel, sepaih honpi ahong om guih ua, Pasian a phat in; "Tungnungpen van ah Pasian thupi henla, leitung a amah lungkimna mahmah mite lak ah lemthu leng hen," a chi uhi. Luk. 2:13-14

I Toupa Jesu Khris mihingte tan diing in Leimun niampen a ahong pian in, van angel te'n khelah tak leh deihsakna sang penpen toh Belam chingte kiang ah Carol masa penpen hong pia in! Jesu hong pia na san leh deihsakna thu hong puak uhi. Hiai thu sau igen ma in, khovel a mihingte bawl tawm carol zatdan saulou enkhawm leng ka chi hi.

Khovel mite Carol: Roman Bishop te'n AD 129, hiai Carol la pen Van Angelte lapawl chi in Khristmas biakna hun a sak diing in thupiak ana bawl uhi. Huchi mah bang in Jerusalem a om Comas in 760 AD, in

A koi abang hileh I kristian hinkhua uah thutaklounhna, diktatlounhna, duhgawl na, duhamna chihte uang mahmah ahihmanin tuabang mite Pharisai-te hih dan bang a gamtang a, saptuam sung leh khotang a phat huai mahmah, adik mahmah bang a lang, ahoih mahmah bang a lang, a khami mahmah bang a lang, mi tampiten Pathian saptuamte khempuk a, buaina tungsak tampi om khinta leh hong om ding ahihan a laisiangthou mahmah ah i mu hi. (Mat. 6:1-4; 7:15-19; 23:27-28; Eph. 6:18; 1 John 4:1-6)

Hiai mihing latdan tangpite lak apan pilvan mahmah kul in poimoh hi. Ei Kristian diktakte mihing a kinga mai lou a, Pathian thutak mah a kinga chinten dingin I ki hasuan uhi.

01. Kristian lim-a-lim mel punapi a lah a khemkem ana hime mah
02. Piangthak dan a omnapi a lah piangthak mahmahlou
03. Kristian heutu/makai khat hinapi a lah ana hi hetlou mawk
04. Upa/Pastor khat ana hi ngemngam sim zawzen napa a lah aguk tak a ana himahmahlou
05. A hoih mahmah dan a lang napa a asi at a sia ana hi mawk
06. Mitung a siam nuam law dan a om pap-pap sim zawzen a lah a gu khah pi ana hi

07. Saptuam it taktak dan a kampau-pau napa a, mahni gilpi a ding chauh ana buaipih hi mawk
08. Adiktat mahmah, a thutak mahmah dan a kilang napa ana hidek suailou
09. Khami mahmah dan a om Kankan zawzen, lam pah sim dualdual zawzen napa a lah ana guk khah mahmah thepthus zel
10. Huangphal mahmah dan a omnapi in, amah a ding kia ana en gugige mawk
11. Mite hehpih leh panpih ut lua dan a ki gengen napa amah min hoihna ding kia aana ngim nilouh mawk. A credit deihtuana tuh samitna lianpi ahi
12. Sana tak bang a lang in taset-set napa, alem ana himeimah
13. A melet a hoihtuak mahmah napa milung simsepi ana hime mah
14. Hiamtuak mahmah a lang napa, ana mawl mahmah thepthus zel
15. Express/direct bus a kilang na pi ana direct mahmah lou.

Hiaite ahi khovel/saptuam/insung hon tokbuaita. Pilvangni. Kristiante hi i laisiangthou in pilvang ding, thutak ding, diktat ding, thanuam ding, kuhkal ding, huangphal ding, itna hau ding, hehpihna hau ding, khemna a puk lou ding, ginom ding, thilbangkim a hoihlah peuhmah leh chinten dingin hon ngen in hon ngiat hi.

I Toupa Jesu'n hichi'n na gen hi, "Hiai miten akam un hon pahtawi ua, alungsim tak uah hon gamlat uhi. Amawkna in hon bia ua, a sinsaknate uh mihing thupiakte lel ahi" (Mat. 15:8-9) ana chi hi. Ei lam a punna ding, metua ding ahing chiang a kamsiam tuau-tuau zawzen in, adiktat pha mahmah dan a mite' muh bang a om zawzen, chalak selua, i hong kithuhsau chia i rong hong pawtkheta chih bang ei kristiante lak ah mi tampi ki om thei hi. Peter in "Mihing khemma hieki a, Kha siangthou khem na hi" Anania kiang ah a chih khum hi. Eiten, i lawm i vualte khem zou dan a i ki theih lai in, i lawmte ana hilou in Khasiangthou mite ana hi thei uhi. Chihbel I Toupa Jesu "Hiai mineute (khutdohte, panpihngaitte) tung a na hih uh, kei' tung a hih nahi uh" chi in ana gen hi. (Mat. 25:40) Lauhuai thou chi aw?

Khatvei leu-leu Singngat a ka ten lai un, papi feltak, kam teitak (ami ka thei lai) khat in tempawng, kawl tem kichite hong zuak hi. Louvat lai ahimanin ka tempawng neih teng uh mol gai vekta hi. Tempawng tasam mahmah ka hihmanun ka u Lamkhai in ahiam nak ding leh lei tei-tei ngai ding ahimawh chi in a en-en hi. Tempawng zuakpa'n, Lakhimpur a kava lak, kava sek tawm sak, sik hoithe ngen ka va seksak ahi a, lei le

uchin na kisik kei ding uh, kum sawm tan inle a hiam lai ding, va test un chi in avan zuak phatpetmah in phat hi. Ka U in va test in, gua ava sat leh hiam thou achi a, aha a kiat a leh ham giaggiap mah e chi in ka leita uhi. Louvat na a ka hon zat uleh ni 2 ki zang panpan, hong molta a, tat petmah a ka tat hangun bangmah a bun nawnta kei hi. Ka U Khai a heh mahmah a, a phatuam nawn kei, tempawng zuakpa'n hon khemzou a hider mai hi. Tempawng sek dan tuh a sik hiam neu khat aha dingin bulh uh a, a tempawng tak pen sik dual ngenpi a bawl uh ana hi meimah hi. A theiten a gen uleh Lakhimpur a tempawng zuakte (sekte) chalak thei mahmah ua, Lakhimpur a-te sangin Jerighat a sekte thutak zaw uh chih bangin agen uhi. Tulaiin U G.Khainang sekte i lei leh i kisik kei chi pawl leng aom uhi. A tempawng zuaktu in lah amah sum muhna ding ahihnak leh kamzoltak a gen, a tempawng sekte mah in lah chalak tak a ana sek uh hi zawmah, zuau thuah nih, thuah thum kigawmte ziakin kou a tempawng leitute'n ka thualoh uhi. Kristian hinkhua ah leng ei Kristiante a dingin pilvan mahmah poimoh hi. Laisiangthou mun tampi ah khemna a pan pilvan ding thu I mu uhi.

Khemzoh a omte tuh mipilvangloute ahi ua, vangsiat huai tak leng ahi hi.

Carol a sak diing lapawl khat Greek Orthodox Saptuamte a di'n ana gelh sak hi. Himahleh, mi tamtak in hiai late Latin pau a gelh leh sak ahizhiak in kipah pihlou uhi. Hiai in a gamsung ua, Carol zat dan uh nakpitak in heilam dang zou hi, aziak bel milip in hiai Carol zatna lung lut pih lou uhi. Kum 1223 vel in St. Francis Italy gam a sahkhua makai lian mahmah khat in, Carol zatdan chi tuam mahmah khat honpan khia hi. Huai bel bang dang hilou in "Laisiangthou thute la a sak khiak" hiai in mipite zou mahmah a, hun tomchik sung in gam tuamtuam adiak in France, Spain, Germany leh Europe gamte ah kitheh suak zou hi. Himahleh hiai mihingte bawl tawm Carol lapawl te'n sawt daih lou in, tuni chiang in khovel ah mihingte bawl khiak Carol hun nuamte mualliam in lou bang tul zouta hi.

Van angelte Carol:

Himahleh, van angel te'n khelah tak leh deihsakna sang penpen tok Belam chingte kiang a Carol masa penpen hong bawl uh, masawn in gam tuamtuam ah, AMAH kipah pih mahmah mite lak ah, Carol bawl na khang semsem hi. "Praise the Lord" Hiai van angel te'n Carol hongbawl na mun uh, Bethlehem gam a pawn lak ahi hi. Azatute leng

mi mawl mahmah, siamna leh pilna hohtak nei mite hi diing un a gintah huai kei uhi, himahleh a theih tel mahmah diing ua gintak bel a belamte uh om dan leh belamte gamtatna leh a belamte uh nek diing tamna mun hohtak in thei lei diing uhi. Hiai a I Toupa'n Ama hong pian thu za masa dia adeihite, Belamchingte ahi mawk uhi. CAROL ichih English Paite Dictionary in a hilhchet dan in "Kipahna La, Khristmas la sak khiak, Khristmas sawng a kholak a lasak" chi hi. Himahleh, i theih diing bel Kholak a laa mawksak hilou in, omze nei tak a laa sak gen ahi zaw hi. Angel te'n Belam chingte kiang a Carol a neih un, Belamchingte'n Naungek Jesu hong pianna ziak leh Amah kipahpiph mahmah mite kiang a lemthu leng hen chi in Khristmas Carol lapawl honsa khia uhi.

Tuni chiang in khovel ah Pawl tuamtuam leh mi siam tampi tak in, Carol pai kul saklounha, soiselna leh demna thu-tampi omta hi. Hiai tok hisai in ah ngaihan uh pompiph kei mah le'ng, Ei Khristmas kipahpiph mahmah mite kiang te'n Carol leh Khristmas I lopna ziak, Ilop dan, I lungput, I tup-le-ngimite uh kichian taktak a I theih diing uh

Ka ngaihnuou kiang a laikhak

To,
Ka sanlai ngaihnuou,

Ngaihnuou aw tu hun a laipek a na kiang a lai kon khak mawkmawm pen lamdang nasa sim di maw? Phone tungtawn a kihou gige himah lehang, ni dang a iki hou dan ngeina louin kihouin, thu tamlou kikum khawmle chi kahi. Phone zang a thugel a i ki hou chiangin kampau khum pipi i ki muam sek a, a chang chiang in iki hehsan ni le a om khasek hi. Huaite a poimoh in a manpha kei ka chihna bel hilou in, lamdang sasim lah kipak kawm ngal a na om na dia hiai laidal tungtawn a na kiang a thu poimoh ka sak mahmah gen nuam a kon khak ahi. Na itna toh na lungtang tengteng in ngentel tak a hon na simsuak sak din ka hon ngen masa hi.

I ki ngaihna le hun bangtan hiam paita ahing man in, ikal a iki zopna khaugui pen khauh semsem leh hoih semsem in ka thei hi. Nang toh houlung kup nuam in navak huai kasa a, na'ng le nuamsa nahi chih nang apan za kahimanin ka hon ngaihna pen nisimin a khang semsem hi. Na omdan leh na kamsuak khum ngingei, na mit hah kilawmtakte kamuh a kazakna a panin, na hon it mahmah a, tu hun leh maban a hun hong tung dite ah hon muang mahmah a, hon laman mahmah nahih dan ka chian semsem hi. Ken leng kei a pan nang adia ka piak khiat theih zahzah pekha a, nang a dia

muanhuai a om ding in ka hon chiam hi.

Mi sang zatam lak a pan in kei sese na hon it in na hon muang a, na tung ah kaki pahna a lian petmah hi. Khat veivei, mihing hihna in hon pumluah leh hon thazoh mahmah ni te om ahing man in non it taktak a non ngaih taktak a leh hiai thil kon gensuk te hoihdeuh in ana chiantem inla, nang leh nang dai ana ki kaihkhum din ka hon ngen hi. Mihing te pen iki kholh tam deuhdeuh, iki houpih mun deuhdeuh leh ki nelzaw sem na leh ki zopsem na piang a, iki houlim na apan in, banglam sem ut a, banglam in a lungsim la hiam? chih te leh i vei

in ana genkhol a, mi tamtakin a gingta kei uhi. Gingta kei mahleuh Immanuel bel Pathian' thu dungzui in hong piang ve-ve ding hi. Jawlnei tuamtuamte'n Kumpi/Tanpa hong piang ding thu a genkholhte uh khovel in bildoh (ngaihven) mahmah mahleh amaute' lametna nuailam pek a hong kilang ding hileh kilawm, Isai in "Amah i lunggulhna dingin amel ah kilawmna himhim aomkei" ana chi hi.

Jospeh mang a angel ahong kilak lai in, Joseph na zi Mary neih lauken, anaupai Kha Siangthou lak a ahi chi in agen hi. Jospeh in angel thugen omzia a theihsiam pah theih ziak tuh Jawlneite' genkholh thute ana thei kha hi ding hi. Kris tuh Bethlehem ah ahong piangta a, huai nni in naungek dang leng a piang mai thei, himahleh hiai Immanuel naungek pen theihkak theih na ding tuh puan a tuam, gan anpiakna a lum ahi se-se hi. Naungek piang dangte leng puan in tuam mah unteh, himahleh hiai hun laitakin gan anpiakna kuang a lum ngaungek bel midang om lou ding hi. Israel tanpa muh masiah silou ding a theihsak a om Simeon in temple ah amu a, Kha' theihsakin a naungek muh pen TANPA ding ahi chih a theichian hi.

Baptispa Johan in Kris thu agen lai in ahongpai dingpa' om didan athei a,

himahleh amah koi pen hiam chih a chiang kei. A nungzuite a sawl a, ahong pai dingpa na hiam? Midang na hu-ngaih lai ding ka di uam? Chi in ava dong sak hi. Kris in 'ka hi/ka hieki' chi in a dawng kei, "Mittaw ten mit vaksak ahita, dawi matte damsakin aomta uh, natmate hihdam in aomta, phakte sian sak in aom ua, bengngongten a zathei ua, misite kaihthoh in aomta uh" chi in adawng hi. Johan in Jesu thugen apan, midang hu-ngaih ngai nawn lou, Jesu tuh Messia ahingehina chih a theichian hi. Samari numei in leng Messia/Kris ahong kilat chiangin kiteltak a hilh ding ahi chih ana ngakna dan ahi. Kiteltak in a za ngei a, apasal neih zah bang chiantak a hilhin aom. Belamchingte kiangah angel in "Tuni'n nou a dingin Hondampa apiangta" chi in ahong hilh ua, van a mipite' n la sa in Pathian aphant ua, "Tungnungpen ah Pathian thupi henla, lei a akiphaph mihingte lakah lemthu leng hen" chi in. Hiai lasate bang leng misiangthou sisate ahi mai di uam aw, leitung a amihinpihte hong kipahpiph a hi di uam aw chih bang leng ngaihuahna ahon pethei hial hi.

Herod leh Jerusalem a mi tampi in hiai thu ana thei kei uh. Kris a hong pian in mipiltan aksi' hilhin Jerusalem ahong kan ua, Herod

SELGUK THUGIL

-Elder V. Vungzathang

Pu Sainghing in Pathian itna la chang nih chauh, athu sut tham ching mahmah khat ana phuak a, chang nihna vualnihna ah "selguk thugil a puakzak" chih ana om hi. Tuni'n 'selguk thugil' chi hi gen ding a, Pathian in lem ahon sakpih leh Good Friday lam chiangin THUGIL A PUAZAK chih i gen nawn ding uh.

Hiai thu la chauh a om hilouin Kol 1:26 a om, tanglai akipan a thuguk akhang-akkhang a kisel ahi. Tuin thuguk kisel, misiangthoute' kiangah latsak ahita, huai tuh Kris ahi achi hi (2:2). Kris hong pianna (Christmas) in a zat zel pen tua thugil kisel hong kilatna ahi. A nni adik/diklou chih lam i gen kei, Kris leitung a ahong pianna geih pen ahi i gen, huai tuh sehkhohlheng ahi. Thuguk kisel nih bangin a khentheih, - Kris hong pianna ding leh Paul in thuguk ka hon hilh ding, i vek un i ihmu khol kei ding uh, a chi, hiai pen i gennoppen ahikei phot.

Huai thuguk kisel chia i gen pen Pathian' itna, Kris a hong kilatna ahi chih leng i haih kei ding (Rome 16:25) Leitung piantung a pan a thuguk kisel Kris leng ana chi hi (Eph 1:9) Kris a sep a tup thuguk kisel, eite kiang ahon lansakta hi (Kol 2:9) Pathian bukim leh pumpi nei in ahong om.

Adam leh Evi in thil ahikhelhi lai un Pathian in savun a silh sak, Israelte Aigupat apan ahong pawt theih ziak uh tuh sisan ziak mah ahi. Gamdai a Israelte gultuk a tampi a sih lai un Mosi in dalgul bawl in a khaikang a, huai dalgul ente a dam zel uh. Pathian in tup leh ngim nei mahleh hiai hun lai in thuguk kisel pen akisel lai veve hi. Himahleh a liim a lak a, thuguk hong kilangkhe taktak ding pen etsakna lel in hiai hun lai in sepkhiak in aom lel lai hi. Jawlnei Mika in Israel tung a ukpa ding ahong paw ding, akipatna tanglai nite akipan ahi, achi a, Sabiltung tung a atuan ding tanpha ana genkhol khit banah, apianna mun ding a ana gen khol hi.

Isai ngial in tuh Nungak siangthou a gai dia, tapa anei ding, amin dingin Immanuel a sa ding uh chi

mahmah thilte theitheih in om hi. Ei tegel zong ki houtam ta, ki thuah tam ta i hihmanin, i ki naih semsem in iki nel semsem hi. Ngaihnow aw ka hon it ziak leh kon ngaih ziak a, nu leh pa le hi nailoupi a kawi a hon tawp ka sawm khak a leh ana kiveng in aw, lauhuai kahi. Huai hun chiang in i omna mun a pan in hon paikhiak san in. Nungak leh tangval i hih lai a, kikawi a ki tawp chih pen khelhna hiki mah leh, khelhna hon tunthei, meikuang hon pansak theitu ahi uhi. A kuansak di leh di louh di pen nang tung ahong ki nga lian mahmah ding hi. Huaihun chiang in, a khonung a meikuang phelmit sawm sang in hon haal sak dah vet mai in. Mei in a hal khak thilkhat peuhmah a ngeina batsak theih hi nawnlou a, zong i pilvan kei a leh haltum dimdem a om theih ahi. Hehphtakin huchi bang hun hong tun khak zenzen a leh hon halsak dah vet inla, huaimun apan hon paikhiak san pah mai in. Nou numei te leh kou pasal te kibang mahmah lou i hi uh. Atangpi in numei te'n kikawi chih khawng ah ngaihsutna dang nanei kei ua, kou pasal te'n s3x lamlam ana ki ngaihtuah man khanak hi. Na hon it taktak a leh, kei leh midang apan in dai kikhung inla, huai dai pen zong kem in humbit ngam in.

Non it ziak leh non ngaih ziak a, a hunlou pi a keikiang a non ki pumat hetlouh ding ahi. Pasal te'n dai kikaik humlou, a huangsung a ut dandan a lut theih

zial zial numei pen ki zahtak vet lou a, a tawntung a tenpih dingin zong deihna khat zong ki neilou hi. Na hon it ziak in nang kon itna leh zahtakna kon neih pen hon lak khiak sak ding in nna bangmah hon semsak kei in. Na siang ah laitual ka hong leng zeel a, nuamtak leh lungtai tak in na sungte mai ah hon zahpih hetlou in non tutpih a, non ki kholhpih zeel zia kin le na tung ah ka lung a dam mahmah hi. Nang ka hon ngaihluat ziak a biakinn a ki khawmlou zen a ka hon hoh khak a leh, maitai tak in hon na dawn het ken aw. A taisia, a kitam dek, a khaang lel lel pasal khat ngai kha nahi. Kitam leh a neng te in nang hon suna thei a, hon liamsak theih ahiih man in hon na kipahpih kenla, ki vengsiam tak kawm in ka kitap louh nang in hon veng hoih in. Eigel chouh a hun i zatkhop zeel pen manpha kasa a, nuam le kasa hi.

Khat veivei eigel chouh in i pawt zeel a, huaihunte ka ngaihtuah khak chiangin hampha kisakna toh, ka hon itna a pung deuh deuh a, ka mai a nuimel hon belhsak tu leng ahi hi. ka ngaih aw, nitak a pawt di ka sawmpih khak zihzeh leh, non itna leh ngaihna pen a langkhat ah koihkhe zual in la, na lungsim chiimtak zangin hon ki ngaihtuah masa in. A poimoh hun a kon zot khak chiang in le, nang chouh in hon mawk paipah ken. Na lawmte hiam, na

sanggamte hiam, mi khat bek hon tonpih teitei in. ei gel kal thu ki maituah a, limtak leh hohtak a kikap khop di a om Chiang in, sun, khovak lai in nou inn hiam ahieh kei a leh restaurant khawng ah genkhawmni chi in hon hihl zaw in. Huai hilou a mun daih zikzek na mun, kuamah omlouh na mun ah kon nget khak a leh a na pilvang ain. Sawmkholh ahiehloh hang in, sisan hatlai ahieh ban ah mihing taksa ki polai ahi. Ki ven kan omlou hi. Ka hon ngai mahmah ngal a, thilhoih ka tel khak lough hun in nang ei a ding in hon tel in aw. Theisiam lou a ka om khak zenzen a leh na lungsim ana vak kual sak in. I kikhen khak di nalauh main a ka gengen non maw pawng zuih ding zong hisam lou hi. Limtak in na ngaihsun masa ding a, a san na hon dong lai ding a, huai zoh Chiang in non aw di leh di lough di thupuk na ana lapan in. Huai ka chih hang in thil ka gen khempeuh mah nawn nial ding zong hisam lou hi. A poimoh hia? poimoh lou, chih thukhentatsiam na pen i hahzil hong kisam mahmah ding hi.

Kei non khaal siam mahmah a, ka lawmte lak a ka zahlak ding zong na hon khaal siam mahmah hi. Ka ngaih aw, na hon khaal ziaa a kei a di mawng mawng a thil non hihsak te kei di n manpha lua a, na migi na hon chian semsem ing. Nang kiang a om ut a ka hon hoh chian in leh kon pawtkhiak khak pih Chiang in, na sapum ah dai ki

kaihkhum inla, na ki vatna, na silh leh ten te a pan in hon theisak in aw. Kon maingal luat theih ding leh zahtakna kon neihtheih lough na di tan a hon kivan lou ding in kahon ngen hi. Na kivatna te ah; niik siing lua, khekol tom lo zozen a pheiteng dawg zozen thei te in hon kivan ken la, khekol gaklua, puanak ngawng bak lo zozen leh, puansilh pan lo zozen te in hon kivan kei hamham in. Ka mit a ka muh, ka kam a ka gen khat lough hang in, ka lungsim a hong om thil te, gen ngam huailou thil te hikha thei hi. Huaiteng zong kei a dia etlawmpen na hih theih na dia non hihsak ahi chih ka theisiam a, a langkhat lam ah kei non khaal a, na ki piakzohna thupi kasa lua. Nalh zaw na nalh lua a, himah leh na kilawm het kei hi. Nang ka hon ngaituah Chiang a na ki cheidan te toh hon kilang khawm ding ahieh man in, maban ah poi mahmah kha thei ding in upna nei ing. Niteng a kon ngaihtuah gige khat nahi. Niteng a i ngaihtuah gige thilte in i lungsim leh i hinna hon khoih kha a, thilkhat peuhmah ah ki lawpna hon tun hi. Huai kilawpna i neih te leh i lungsim a i vei te pen alangtang a nasep khatna in hon zui zeel hi. Huai ahieh man in ngaihnou aw, a hunlou pi a theigah loh utna, thanop na leh kilawpna apan hon veng in. Numei etlawm leh zahtak huai kasak te kon hilh diam? hehe..

Kei a dia a kilawmpen a na om ut a leh maw, nahih sasa bang in honki zuun

in la, ki susiangthou gige in maita na toh. Na kizepna ah aleklua thil te, atung a kon gen te dan in omken la, makeup zang khengval lua in omkei le chin, na sakmel maitak tak et in lawm pen ding a, na duang mawi leh nalhpen ding a, zong na ngaih huaina hong pung semsem ding a, ngaihbaang pen ding hi chia. Eh! Na sam sau ngihngiah na ki lawmpih mahmah pen kha maw, na tan khak zenzen a leh le, tomlua in tan ken aw. Na sam sau ngihngiah toh kilawm khawm kon salua. Relationship i chih pen khat leh khat kizopna hi a, ki hanthawn na leh ki dopsang tuahna in zat theih a, ki kaihniaam na leh ki suksiatgawp na in zong zat theih veve hi. I malam hun ding saupi enkawm in i nih in kal suankhawm ni maw. Tu leh tu in ki it leh ki ngaitak in i om a, kikhen ngeilou ding bang in i lungsung ah kizopna nei mah le hang, kawlni in hon suahpih theih gige thilte ki theilou sak kei ni in pilvang ni. I kal ah Pathian I omsak ding a, i gen teng i za sak ding a, i thil hih teng amah theihpih na toh sem ni. Eh!... kon gen nop khat omlai, sau leh le poisak dah suk mai ni maw..

hehe! "Mihing te ki itna pen chiklai peuh in beitheih gige, tulthei gige a, Pathian in hon itna pen tulthei ngeilou hi. Nihgel itna pen a kiam hun hong tung thei gige ahieh man in, Pathian itna pen ki kop pih ni. Huaiziak in kei sang in Toupa it in ngaih penpen in nei masa zaw in la, kei sang in muang zaw thamtham in la, kei kiang a naki piak sang in amah a din kipe masa zaw in. Kei thu sang in amah thu man in ana nei masa zaw le chin, ka sanlai ngaih aw, nang a dia siam kahih nak a leh Pathian in na angung ah hon koih lo mahmah ding ahi. Kei toh i kal sang in Pathian toh na kal ngaihhawk in nei masa zaw in aw. Kei maipha sang a Pathian maipha na zon masak zawk ding ahi. Hileh thilteng ei a ding hi taktak ahi" "*Khovel leh asung a om tengteng Toupa thil neih, Toupa a ahi. Leitung leh asung a teng mi tengteng le amah a vek ahi.*" SAM 24:1 Kon itna pen hon ginlelh sak het ken la, Pathian thuchiam te muanzawk in nei in. Nang hon it leh hon ngai. -Suanthang H.

WETE IN PUANKHUI ZIL DI LA DEK NAWN

WETE in kumteng a ahieh bangin kumthak 2015 a i saptuam mi puankhui zil utte a ding in sapna bawl hi. Ki ngetna december 31, 2014 tan in Director address in piak theihda ding. Athawn a zil ding hi a, a course ahiehleh kha 6 (guk) ding ahi. Interview Jan. 10, 2015 dak 10 in WETE mun mah ah neih hi ding. Ngaihvien hun laitak ahi.

CHIALNA LEH NGETNA

Hunteng a Amah aw ngaikhia gige dinga hon deih tawntung I Biak Pathian leh Hondampa Jesu Krist min in munchih-mualchih a om PCI,R Saptuam mipite tenteng PWF Khawmpi chibai. Pathian pina leh saptuamte'n nahon thumpihmate uh ziak in PWF Joint Conference 2014 motivation lohching tak in kizouta, Saptuam sunga Biakin om tengteng siksuaq a omtheih man in Toupa min phat in omhen.

Pathian hehpihna leh ompihna lam-en in hongtung ding December 11-14, 2014 sung "Thou unla, ka aw ngaikhia un" (Isai 32: 9) chih thupi a nei in Rayburn Presbyterian Church ah PWF JOINT CONFERENCE 2014 I neih ding ni uh tuang hongtung ding ahita. Hiai khawmpi hun a saptuam mipi kuapeuh hongtel chiat a, Pathian apan vualzawlina hong tang dingin kon chial uhi. Huan tukum isaptuam kum thupi uh dungzui a 'khat leh khat ikilamtouh taktak na ding ua', "Thou unla, ka aw ngaikhia un" hon chipa houpihna itan hun uleh a vualzawlina itanchiat hun uh ahieh theih nading a mimal thumna a phawk chiat ding in leng kon ngen uhi.

Ka kipak, Krist leh a Lalgam adia na seppih uh

PWF Joint Conference 2014 Committee te sik in,

Sd/-

(REV. M. KHAMLIANMANG)

PWF Coordinator

Presbyterian Church in India (Reformed)

pci MESSENGER

December
2014

Presbyterian Church in India (Reformed)



hun in ngak a nei lou
lenmual khum din na pammaih lua hi
hon ngai ung
vualngaihte toh
2014
KUM
lui thak
mangpha
Mang nasem a zaidieh awih lai ni-te

kum thak
mabang pan ka pai ding hi
vualzawlina kum thak 2015
chibai... kum thak chibai lametna thak toh!!
Jesu toh tonkhawm!!



PRODUCTION TEAM

Editor

Rev. Khen P. Tombing
C/No. 9862088190

Jt. Editor

Rev. H. Chin Thiansong
C/No. 8731850322

Contributing Editors

Rev. G. Suanzalam
Rev. Khamlianmang
Eld. T. Khupzadou
Eld. Langkhanpau Guite
Eld. N. Thangzamawi

Cir. manager

Mr. C. Biaklun

THU TUUNTE

Editorial	01
Christmas thupuak	02
Laisiangthou etdan	07
Hinapi a lah hilou!!	09
Ngaihrou laikhak...	12
Selguk thugil	16
Christmas carol	18
Reports	22-29

Head Office

Presbyterian Church
in India (Reformed)
Box -32, Hebron Veng,
New Lamka 795128
Manipur, INDIA

Subscription Fee

Rs. 10/- per copy or per month

Website of the Church

<http://www.pcireformed.com>

A sung a thu
kigelhte editorial board
ngaihnan ahivek
kei.

Printed, published and edited by Rev. Khen P. Tombing at Diamond Offset Press for the Presbyterian Church in India (Reformed)

kitam mahmah. Biakna hun nuamtakin kizang. Tawp louh theihlouh ahihmanin khelah kawmkawm in biakna hun khak ahi.

South Lamka leh North Lamka**Presbytery vehna:**

Singnat presbytery vehlough kal in South leh North Lamka presbytery te ki veh zel hi. Mipi kikhop ni te ah veh ut huai himahleh a hun hong kidaih nonlou ding ahihmanin kikhoplouh nitak khong in le vehna kinei zel. Koimun peuh ah kikhom kitam in nuam thei mahmah hi.

I Presbytery 4 (Thanlon, Singnat, South leh North Lamka) te ah aveka gawm in saptuam 41 pha a, biakin neilou 1 a omziakin biakin ding lel 40 pha hi. Hiai I biakin 40 te uh a biakin chiat uh ki sik suak sipsip hi. September 15 a saptuam veh kipan, November 16 nitak in lohching takin kizou ta hi!!! Thupina leh pahtawina tengteng Pathian in tang ta hen! Amen! Saptuam tengteng veh a ka zin na ua ka muh uh ahihleh Pathian in I saptuam hon veh ahi. A vualzawlina in hon zuizel ahi chih ahi. Akhen chiangin saptuam khenkhat te kiam zel mah leng lungkiat na ding om hetlou ahihdan muh thakthak in om hi. Tukuma Presbytery tuamtuum a khompi tuamtuum kinei te etkik chiangin kumdang teng sangin khalam halhthakna kitang hi. PWF Joint Conference dinga kisak kholhna

leng nasatakin koilam peuh ah om vengvung ta. Kumdang a khompi na a hongtel ngei manglou te leng kilawptakin khompi ding ngaklah in phe suau suau uhi.

Hiai saptuam vehna ah thugentu a kizang Rev. M. Khamlianmang, Coordinator PWF in thugenna hun teng zang vek a, saptuam 40 ah sermon tuamtuum 40 genkhia hi! Hichibanga Pathian ompihna tang heutu ka neih manun numeite kia hampaha hilou in I saptuam pumpi hamphatna ahi ka chi uhi. Veh a om te kia hilou in, kou aveh a kuante mahmah in khalam halhthakna tangin leh ki etkikna ding tampi ka mu uhi. Lam tuamtuum ah Pathian vualzawlina ziakin siamthak nawwna tangin hiai saptuam vehna ka zou thei uhi. Toupa phat in om hen! Pathian min a kalsuan na himhim ah Satan in hon sukbuai sawm in lam tuamtuum ah ana hahpan sek mahmah chih I theih chiat ahi. Tangpan louhna lamlam ah Satan in hon hihbuai sawm mahleh huaite hihbuai phaklough dingin Pathian in hon laamtou zel hi! A lamdang ngei mai!

“Ka tunga a thil hih hoih tengteng ziakin Toupa kiangah bang ahia ka piak thuk sam ding? Hotdamna nou ka la dinga, Toupa min ka lou ding hi” Sam 116:12-13. Thupina tengteng Pathian in tangta hen! Amen!